


BIBLIOTEKA

Zakł. Nar. im. Ossolińskich

XVII

1.795




1841

S=1574

853

853



*Ex Libris Com. Branicki
Sucha*

SIMONIS STAROWOLSCI

ORATIO

In Obitu

853

MAGNANIMI HEROIS,

D. IO. CAROLI CHODKIEVICI

Comitis in Szklów, Mysza, & Bychów.

PALATINI VILNENSIS,

Derpatensis, Lubosanensis, Veloneñ. &c.

CAPITANEI:

Supremi Magni Ducatus Lithuaniae, & ad
bellum Turcicum, Regni Poloniae

EXERCITVVM GENERALIS

nec non terrae Liuaniae

GVBERNATORIS.



CRACOVIAE,

In Officina Typogr. Matthiae Andreouiensis,

Anno Domini 1622.

Antw. Wójcicki



XVII - 1795 - III



ILLVSTRISSIMO COMITI,
ALEXANDRO CHODKIEVICIO
PALATINO TROCENSI,
Borisouien. &c. &c. Capitaneo.

Fratri Defuncti.



*P*tabam equidem ego, alia ex cau-
sa innotescere tibi Illustrissime Co-
mes atque piè defuncto Fratri tuo à
scribendis Epistolis, atque connotan-
dis rebus præclarè gestis, cum viueret fore,
eamque ob rem, dum in castris ad Chotimiam
essem, in gratiam me & aulam Illustrissimi
Domini Procopij Sieniawski insinuaueram, ut
aditum per eum habere possem, quem ille uti
filium amabat, ipse vicissim ab eo, uti pa-
ter veneratus, & ut tu quoque generum tibi
eum adscisceres, omni conatu adnitebatur

Epistola

Cæterum, spes huius, prolongatæ tantum
morte illius, meæ penitus sublata: nec ratio
aut modus est, quo animi mei cultum in defun-
cti virtutes declararem, quam ut de laudibus illius
post funera aliquid in medium proferam, & in
publico omnium mærore, meum quoque priva-
tum dolorem testificer; qui tantus est, ut à me
ipso explicari nequeat, imò verò ne Tulliana fa-
cundia exprimi, rebus à morte illius Patriæ no-
stræ intricatis. Qui quidem dolor, cum te unum
præ omnibus, maxime angat & excruciet, uti
germanissimum, decreui orationem meam, non,
alijs cuiuspiam fabulam, verum tibi ipsi inscribere
doloris levamentum, qui uti olim laborum Fra-
tris tui consors fuisti, ita nunc & gloriæ à morte
illius inclarescentis, particeps esse debes. Nam-
que hæc ipsa nunc primum à tumultu cuiusque,
uti sol à nocte, magis ac magis cum ævo assurge-
re, & radios suos per orbis spatia emittere inci-
pit. Ergo perpensa eâ bene & examinata, læta-
ri potius a luctu fratris tui tali debes, quam con-
tristari, gloriari, quod fuerit talis, quam dolere:
quod.

Dedicatoria.

quod obierit præmaturè, & tam importunè, gaudere, quod tam feliciter, & in tali Reipub. negotio, quàm affligi mærore, quod sine hærede tantarum virtutum & meritorum in Patriam.

Quæ equidem patria, ut eo magis prosequatur, eum defunctum piis suspiriis & recordatione, totius orationis meæ filum, ad illius ipsius ciues & Primates conuertendum putavi: idq. potissimum duplici de causa. Primum, ut militibus nostris & Principi virtutes defuncti veris laudibus commendarentur. Deinde, ut futuri Duces, non quasi à Magistro, sed tamen sub exemplo præmonerentur, qua potissimum viapossent, ad eandem gloriam niti: quia ut herbam herba, aut lapidem lapide præstantiorem esse dicimus, quod præstantiorem sibi virtutem & vim insitam habet; sic illum hominem cæteris omnibus diuiniorem esse, & ideo imitandum putamus, qui fortitudinis, prudentiæ, aliarumque virtutum laudibus cæteros antecellit. Talem omnes Carolum Fratrem tuum fuisse nouimus, atque idcirco non dissimilem quoque præsentì oratione depinximus,
& quasi

Epist: Dedicat.

& quasi in exemplum viris Principibus proposuimus. Hanc tu COMES Illustrissime quamvis à letho, vultu nihilominus lato excipies, & simul STAROWOLSCIVM cultorem & miratorem virtutum Fratris tui, ac tuarum; amabis, atque te ita, ille Aeternus. Vale.

ORATIO.



Achrimas in mortuum producere.

ILLVSTR: PRINCIPES mei, & CIVES Patrię Nobilissimi, ipsa quãuis suadeat pietas, iubeat natura, incitet religio; speciali attamen

quodam afficimur dolore & mœstitia, prosequimurq; singultibus & mœrore, obitus talium virorum, qui nobis aliquando, qui Patrię vniuersę, qui omnibus denique Christiani orbis incolis vtilis fuere. Nam si, quod priuatis tantum nobis commodabat, desiisse graue damnum est; quod spes nostras frustraerit, & aliò tristes diuertere adegerit, quantò censendum est illud, quod nuper fontis adinstar, imò fluminis adinstar videbatur in omnium vtilitates ebullire, ac effluere abundè, & iam iam videas exaruisse totum, ac defecisse ipsum? Iam autem bonum de natura sua tale est, vt, quo maius in seipsum alicubi reperitur, eo quoque pluribus modis, & ad plurium commodum fit extensum ac diffusium: Sed heu sortem nostrā peracerbā; diffusium istud, quia participatiuè tantum nobis inest, effusium simul & corruptibile est, & quod cum vita humana cito euanescit: perpetuum autem nihil, nisi in eo, à quo hæc nostra omnia, & soli illi

æternitas

æternitas. Nos ex quo nati sumus, non dicam mori possumus, sed morimur: & omnis hora, omne momentum, ad metam illam ducit, quæ omnibus quidem aliis est alia, si tempus spectes, si verò finem, eadem; & cui nasci in hoc mundo contigit, restat & mori. Contigit quoq; hoc ipsum nuper & Carolo Chodkieuicio, Comiti inter Lithuanix Satrapas excelsarum virtutum, & cui comites illæ, non attulere sanè defuncto illi mortem, sed cessationem tantum vitæ; imo aditum fecêre, ad illam æternam beatam, & cui vni vita hæc viuit. Nam quomodo ille mori potest, aut interire, quem sua præstans, & planè Heroica virtus immortalē fecit, & probitas, constantia, pietas, per æthera & gentes vagatæ, cælum intulerunt, vt fiducia esse debeat, receptum eum ad beatas sedes, in quibus diuina fruitur visione, id est omni fælicitate: quiq; idem, vitæ & morum perpetua bonitate, quamuis ad vltimam iam penè venerat ætatem, meruerat votis nostris, vel in sermonibus diutiùs superesse. Atq; vtinam superfuisset nobis, nec Patriam vniuersam reliquisset in tantò mœrore & luctu; sed quia Deo decretum aliter qui auocauit, & è turbis curisq; eductum collocauit in quietâ illa sede, vbi nunc securus miseras nostras speculatur; ideò defunctum illum, orbatum tali Imperatore, & propugnatore Patriæ tanto, lugemus

gemuſ quaſi iuuenem ereptum; eò magis verò,
quod poſt Magnum illum Samoſcium, non fuerit
in Polonia noſtra & vulgo carius aut venerabilius
nomen, & temporibus hiſce turbulentis, ad fran-
gendam Turcicæ immanitatis potentiam (abſit in-
uidia dicto) generoſioris ſpiritus Ductor, maio-
riſq; prudentiæ Imperator. Cuius ego viri laudes,
ac penè diuinas virtutes, ſtatui oratione mea, non
tam in auribus quàm in oculis veſtris ô Poloni mei
collocare, non quòd arbitrer eas, meæ ditionis fi-
nibus includi poſſe, quæ differtiſſimorum virorum
calamo perſtriçtæ, totius iam orbis oras longè la-
tèq; ſunt peruagatæ, ſed vt à recenti Fato illius in-
citem voſ ad ſimiles virtutes, & recentem animi ge-
neroſitatem. Quod equidem ipſum dum nullo flo-
re, aut gemma artis orationi meæ intermixta facio,
ſpero me à veſtra omnium æquitate, vel ipſius de-
functi gratia impetraturum, vt ad eam audiendam
faciles aures, ſitientefq; afferatis.

Vitam Principis calamo perſtringere, aut doctæ
oratione virtutes eius extollere, nemini credo
veſtrum ô Poloni mei, dubium eſt, quàm ſit diſſi-
cile; ſiquidem in talibus aliud fere vulgus, aliud
viri docti, aliud Principes amant; cauteq; cuſto-
diendum eſt, ne aut breuitas obſcura illis, aut diſ-
fuſio

fusio molesta istis, aut denique modus & tractatio, vtrifque, phrasis- verò elegancia, & dictionis venustas, displiceat omnibus. Silere è contra, & taciturnitatis obliuione, defuncti alicuius Megistanis. excelsas virtutes offuscare, quàm sit iniurium & indecorum, quàm barbarum & turpe, barbaro etiam cuique & stupidissimo est manifestũ; cũ liquidò constet, laudem mortuorum esse, quoddam quasi semen, quo viuorum virtus haberet vel succum quo vigeret, vel vim, qua æternum viueret, vt scitè Philosophus quodam in loco dixit. Sciteq; gentes vniuersæ in eorum laude, tanquam semente virtutis spargenda, extruunt pyramides alijs, alijs figunt obeliscos, nonnullis texunt panægyricos, aut pompas instituunt, aut demum faces accendunt, vt videatur loqui, non tam cadauer mortem, quàm triumphus vitam. Maximè autem prisce illi Athenienses hac in parte religiosi fuere, nimisque anxie apud se custodiere, ne miles aliquis in acie occisus, illaudatus sepulturæ mandaretur, sed prius à Duce belli, ornatus elogiis in corona exercitûs, suis com-militonibus, imò posthumantibus omnibus, propugnandæ Patriæ proponeretur exemplum. Ducem verò ipsum si eum fortè in acie aut bello occubere contigisset (nam domi defunctum alius mos laudationis prosequeretur) laudabat ille, qui vel

maximus

maximus habebatur in Patria honore, vel doctissimus inter ciues, & rotundo ore. Cadauer autem ipsum, ad tumulum vsque, sequebantur cum Senatu cohortes militum vniuersæ, & cyppo cum pompa inclusum, Epitaphio decorabant pro meritis honorificentissimo, atque statua desuper affabre constructa, ut virtutis suæ non in auribus tantum, verum in oculis quoque esset apud posteros perpetuum monumentum. Idem mutuatum ab illis obseruarunt & veteres illi Romani, apud quos eam ob causam præcipue celebria illa Rostra instituta fuere. Idem postea secutæ & Christianæ gentes vniuersæ; dissimili quamuis genere ceremoniarum, simili atamen laudationis. Quæ licet Rhetoribus omnibus in scribenda panegyri sit communis, ut maximam rationem generis habendam esse censeant; ego tamen putarem, lituram me inspersurum & labem virtuti Caroli nostri, si ei ex gente laudem emendicarem, & Patris Auique nomina, tanquam extrema pigmenta adpingerem; nam hi Carolo nostro dederunt, ut sit sanguine nobilis, à Carolo autem acceperunt, ut audiant Heróes & fama illustres; licet & ipsi dignitate Senatoria, bellicisque laudibus fuerint clari. Nam auus suus Vilnensis Castellani titulum gesserat, Pater vero Samogitiæ Toparcha fuerat: ille Tartaris cæsis, iste Liuronibus profligatis, uterque

ero Moscho toties oppresso clarus in patria sua.
Quid patrui, auunculi, aui materni, atque alij cognati sui? Omnes Palatini, omnes Castellani, districtuum Praefecti, aut arcium Capitanei fuere, & singuli singulis Senatoriae dignitatis titulis insigniti. Vnde non est mirum, & nostrum quoque Carolum à tali arbore, tam felicem & florentem virtute atque honoribus ramum fuisse. Cuius vitam, mores, res praecclare gestas, orationis nitore satis terso, ingenijque acumine planè diuino, cum ab alijs illustratas sciam, non ero minutus in eius extrema pueritia, educatione liberali, indole pulchra, & moribus Heroicis describendis. Vnam modo tangam peregrinationem illius, cum ætate adultior, oras Christianas quasuis, & populos politiores obijisset praecipuè Italiae vrbes, in quibus id totum continetur, quicquid elegantiarum in toto alio orbe reperitur. quod ipsum fecit, non ut hauriret voluptates liquidius, sed ut ad Patriae commodum prudentiae fructus colligeret vberius; maximè militaris calliditatis & artis, cum probe intelligeret, posse Troiae, id est domi nasci Hectores, sed non posse nisi foris fieri Vlisses. Atque idcirco libatis tantum aut modo in limine salutatis amoenioribus locis illis Melitae potius inter sacrae militiae professores commorari maluit, quam inter Sybaritas aliquos delitescere
aut le-

aut lenocinari. Inde in Gallias illas feroces, & ex antiquo bellica virtute inclytos Belgas profectus, generosiores quodammodò Spiritus ab aspectu & affatu illustrium illorum Ducum, Albani, Parmensis, Auraici, Mauricij, concepit: atque mox nauali arte illustres Lusitanos, ductandis Ordinibus præstātes Anglos, iaculandi peritia celebres Scotos, atque metandis castris, expugnandisque urbibus, toti orbi notos Hispanos adiit: atque iterum Patria ac parentibus reuisis, fortes in acie Hungaros, & infractos bellorum assidua mole Germanos. A quibus singulis, uti linguæ peritiam, quantum satis fuerat, didicerat, ita singulas virtutes tanquā gemmas prætiolissimas in usum & commodum Patriæ suæ asportarat: & ab Italis prudentiam, ab Hispanis prouidentiam, à Gallis facilitatem, ab Anglis iudicandi modum, à Germanis autem grauitatem didicerat. Quæ singula, priusquam in Magistratu velut specula positus, suis ciuibus declarasset, haud ingloriū virtutis specimen exhibuit, in bello olim Valachico, contra animosum illum bellatorem Michaelē Moldauiae Vaiuodam, sub magno militię Magistro Io. Zamoscio, aliquot lectissimas cohortes, cum fratre Alexandro, ductando. Quod ipsum credo fecit ei gradum ad maiores dignitates in Patria, & gratiam Principis, qui sciens regnandi & pru-

dens, duces belli non forte aut ambitione, sed virtute eligere consuevit, quod omnis omnium spes in Rep. à talibus illis pendeat. Idcirco & Carolum nostrum prudentem, & iudicio iam maturum, Cæpestrem magni Ducatus Lithuanix, Ducem, ab eo tempore renunciauit, & industrio illi Duci Nicolao Radiuillo, supremo exercituum Generali, collegam adiunxit, vt cum prudenti illo & longa tractatione armorum edocto, accurata pariter, & vegeta consilia profligandi hostis faceret, qui ferox & elatus Regno Sueciæ per fraudem & dolum Regi nostro hæreditario successoris erepto, etiam Liuoniæ transmarinas oras, per vim inuadere ausus est, Itaque Polemarchus renunciatus, Præfecturisq; Lubosancensi atq; Velonen. ornatus, suscepit lubens iniunctum sibi onus quo præclaram Familiæ suæ dignitatē tuebatur, inueniebatq; noua arte modos, quibus sibi, vt ex autoritate timorem, sic ex autoritatis usu apud ciues & milites conciliaret amorem, Nāq; sciebat gloriosum esse patriæ prodesse, cuius amore, atq; famæ, fecit vti decuit, & tullit vti debuit, ea omnia libens, quæ fieri à viro bono & forti ac prudēti Imperatore aliquis exoptasset. Et quantā in arduis rebus obeundis animi magnitudinem, quantam in Liuonia tuenda industriad quantāq; in consilio capiēdo prudentiam semper
præ se

præ se tulerit, vel illa sola post alias pugnā, quàm
Supremus post obitum Ducis Radiuilli, exercituum
Generalis, & Samogitiæ Toparcha renunciatus,
cum Carolo Sudermano ad Kircholmum commi-
serat, ita loquitur, vt illo die, non tam cum hosti-
bus felicissimè collata signa esse dicātur, quàm suæ
in Deum pietatis, & Dei in illum amoris, toti orbi
clarissima sublata signa esse putentur. Quid ad
Volmariam, Reualiam, Dunamundum, Cochen-
hausum, Rigam, atque alias Dynastyæ illius vrbes,
aut arces, iisdem hostibus, terra mariq; superatis &
profligatis? Quid pácato Curlandiæ Ducatu, euer-
sisq; conatibus rebellium? Quid sedato ciuilis tu-
multus furore, retardatisq; seditiosorum in piam
optimorum congregationem nefariis conatibus?
Nam cum in rebus humanis illud maximum sit,
æquis partibus cum hostibus conferta manu dimi-
care, quanta illius felicitas, imò audacia & fortitu-
do dicetur, qui semper minore manu vincere con-
sueuerat, qui cum tribus aut quatuor millibus suo-
rum, numerosissimis etiam hostiū exercitibus sese
opponere non dubitabat: atq; ita procedebat, con-
tra quosuis Suedici illius Tyranni conatus, vt breui
omnibus illius viribus attritis & profligatis, videre-
mus Liuoniam. Gotticis illis manibus miserè dilace-
ratā, & pestifero Lutheri exhausto veneno penè ex-
tinctam

tingam, iterum septis Lithuaniae inclusam, in eius
gremio tanquam in portu delituisse. Huc huc enim
spectabant illius cogitationes, huc studia, huc cura
ut quam laudem maiores sui, in tuenda Satrapia
illa à crudelitate Mosci obtinuerant, eam ille à Su-
dermani Ducis tyrannide vindicatam, non solum
nobis integram conseruaret, sed fartam etiam te-
ctamq; transmitteret usq; ad posteros. Igitur auctus
pro meritis à Rege Derpatensi Praefectura, atq; pau-
lò post, sublato è viuis Illustri illo Duce Radiullo,
* Hierosolymitana peregrinatione claro, Vilnensis
Palatini titulo, atq; terrae Liuaniae Gubernatoris,
decoratus, & si in tota sua vita, omnia ea fortitudi-
ne gesserit, & ea prudentia digesserit, ut non tam
vitae, quam gloriae confecisse curriculum videatur;
singulari quodam attamen modo, suam in re belli-
ca industriam exhibuit, defenso toties Smolensco
à numerosissimis Moscorum obsidentium viribus, vix
aliquot cohortibus suorum; deuastatoq; vniuerso
fere Imperio illorum ita, ut cum Serenissimum Prin-
cipem Vladislauum ad oppugnandam Metropolim
eorum capiendumq; principatum vniuersum, de-
duceret, pacem quam toties filii suae potentiae per-
fidi violauerant, redimere tractu Cerniechouienfi,
& Seuerienfi Ducatu, vix tentata fortuna cogeren-
tur, nobis verò Carolum, imò Europeis omnibus;
viri

virum multi vsus, summi iudicii, ac pacis belliq; artibus equipotentē ex eo declararent, magis autem quod vtrāq; hæc simul, rarerent in vnum coinciderent; & enituit aliquis in bello, sed obsoleuit in pace; alium toga, sed non & arma honestarunt. At Comiti nostro Chodkieuicio, ex vtroque vna laudum & famę gloriosus contigit concentus, & quę alios diuisa beatos fecerunt, nostro collecta obueniunt. Quod sanē ipsum eò magis in eo eluxit, cum Turcicus Cęsar, cęsis cum Duce Zolkieuio anno superiore in Valachia nostris, bellum nobis, omnium quę post natos homines gesta sunt, odio immanissimum, re maximum, euentu periculosissimum, nulla prouocatus iniuria indixisset, immisissetq; in Podoliam & Russię terras tot myriadas Seytharum deuastantium cuncta, qui excursionem miserabilem in modum Leopolim Socaliam & Pręmissiam vsq; facta, heu dolor innumerabiles hominum nostrorum veluti pecorum greges, deduxerunt in seruitutem, quantam nullę hactenus litterę Gręcæ illę aut Latinę expresserint grauiorem: verteruntq; in circumiacenti vicinia passim Christi templa in stabula, altaria in pręsepia, loca Deo dicata in fadę libidinis propudia, omnia sacra in profana. Cum inquam ad tale bellum propulsandum, vlciscendasq; iniurias tantas, ac frangendam

C potentiam

potentiam, quam Asia & Africa, imò Europæ quo-
que pars penè bona vix, ac ne vix terminauit, Dux
inter nos quæreretur, non alius inueniri potuit, qui
meliùs & Stratagémate Turcam, & viribus Partum
frangere sciret & debilitare, quàm Carolus noster
Chodkieuicius, ille ille animorum plenus, & non
moralium modò Heroicarumq; virtutum suarum
constans, sed pie Catholicus etiam, & ad conteren-
dos impuros ac impios Musulmanos deuotus & re-
ligiosus Princeps & cui ita fidenti, sèper in pericu-
lis Numen astititit propitium. Iam autem numinis
fauor, hominum robore longè potior est: & con-
scientia Principis bona, non spes modò exercitibus
ad vincendum alit, verum etiam illis maximum de-
cus parit. Cum ergo esset Carolus noster, & ætate
prouectior, & canicie venerandus, & sanguine no-
bilis, & armorum peritissimus, ad bellum Tur-
cicum, à Serenissimo Rege nostro, quemadmo-
dum olim Theodosius ad bellum Africanum ab
Imperatore Valentiniano, ab omnibus populi
nostri ordinibus, & toto Senatu vnanimiter
fuit electus: quam electionem, quamuis contra pa-
triæ leges aut consuetudines facta fuerit, quæ prohi-
bent omnino Polonum in Lithuania, Lithua-
num verò in Polonia, honores quosuis ambire;
nihilominùs & ipse gratam, & vniuersa Regni no-
bilitas

bilitas ratam habuit; quia arduam necessitatem vidit. Sed pręuidit & ipse difficultatem, vti in re noua & graui, idq; ipsum clariori certè acie vidit, quàm qui Magistratus refugiunt: ita tamen totus ardebat patrię amore, vt huius difficultatis, voluerit potius subire periculum, quàm subterfugere onus; malueritq; videri magnanimus, dum in senili etate, & iam fatifcente, scintillam generosi spiritus declararet, quàm dum sequeretur torpidum sensus motum, abiectus & vilis. Itaquę valetudinarius licet, in castra ramen venit, exercitus lustrauit, Tyram traiecit, atq; eductis alacriter in aciem suis copiis, Osmanum Cęsarem, cum Tauricano Principe Geta, & infinita multitudine Othomani-
genarum venientem, letus expectauit, primumq; cum eo pręlio feliciter commisit adeò, vt loco etiam tum cesserint crudeles illi & impuri Machometani, nec aperto in posterum Marte, aut de summa belli decertare ausi fuerint. Fecit idem sepius, quamuis morbo ingrauescente, totus iam languidus & imbecillus, ad pręlium nihilominus Domini accinctus, & illius ipsius gratia vltra solitum vegetus qui iam iam moribundus videbatur, contra gentes illas ferociter insurgentes, arma occepit, & contra pecudem illam Asianam Deo rebellem & contumacem, castra tum nostra summa vi oppugnã-

tem copias eduxit; celeriter instruxit, & sole in vesperam inclinato, quatuor modo cum signis suorum cum hoste conflixit, quem & profligauit. Sed heu fortunæ inconstantiam, & nostrum in tanta felicitate infortuniū: vexilliferum & aquilam in eo prælio amisit, seu veriùs pennam aquilæ Aquilonis: nā Regni Polonici nostri, alba aquila, insigne est, illius autem signum ala aquilæ nigræ fuit, quæ volabat velociter, per æthera & gentes famā Regis sui propagando; quæ peruolabat Tirionem, Moscorum crudelitati, Suecorum furori, & Turcarum immanitati sese obijciendo; & quæ subuolabat cælum, alta cogitando semper, magnifica faciendo, & omnes actiones suas in perpetuitatis finem, velut aquila radios oculorum suorum, in solem serenum, dirigendo. Quod ipsum, viuente adhuc ipso, loquebatur fama per orbem vniuersum sparsa, loquebatur pectus instructum à prudētia, loquebatur demum ingenij & iudicij, oculus purus & acer, quo statim vno obtutu videbat in alicuius & vultu quod amaret, & oratione quod reprehenderet, vt æquē eius inde & amaretur mansuetudo, & timeretur seueritas; si tamen seueritas possit dici, corruptæ castrorum disciplinæ instauratio; qui aliās natura humanissimus erat; verum quoties in publicum exhibat, explicuerat quæ frontem, manum, vocem, semper te-

per rēxerat animum, edoctus à Georgio Basta, atq;
Comite de Mansfelt, Germanici in Hungaria exer-
citūs contra eundem Turcam, Ducibus; vt facile
quisq̃ue peccans intelligeret se correctum, non de-
spectum, & ipsum finxitse non exeruisse iram. Vi-
dimus itaquæ ipsum in puniendo iudicem, non vin-
dicem, censorem, non tyrannum, & certè omnia
perfectum; si, quam tonante voce peccantes puni-
ebat, tam facili aure, audiret purgantes. Sed ô im-
becillitatem: ô spes nostras fallaces: quis harum
virtutum cursum, huius cursus vitam, huius vitæ fi-
lum abruptit medium, illi tam cito, nobis tam in-
feliciter, vt cū maximè nobis Duce opus esset, Dux
nobis Carolus necessitate succumberet Fatali; dum
ad persequendum hostem, prosequendamq̃ue victo-
riam, viris fortibus & industrijs qui incitarent &
præirent, maximè indigeremus, ille vnicus noster,
ex omnibus Regni proceribus ad id electus, Parcis
inidentibus occumberet. Cuius equidem intem-
pestiui obitus, non principalis modo planetæ de-
fectus in cælo signum fuit, sed in terris quoq̃ue, a-
missum in ultimo illo certamine ipsius signum, cer-
tissimum prælagium, quo vt omine malo generosus
ille spiritus, & nusquam vinci fuetus, ab illo die
perculsus, mox in grauiorem incidit morbum, re-
busque suis vti virum prudentem decuit, pulchrè

ac prudenter dispositis, & Sacramentis Christianis
ritu solemniter perceptis, spiritum in arcem Hotimē-
sem delatus sensim emisit, & à quo eum habuit, ei-
dem Deo cōmisit. In arcem inquā quæ cum aliorū
multorum Ducum labores consumpsisset, multo-
rum Hercum mortes numerasset, infinitorumque
Daciam possidere conantium, cæpta frustrata esset
tandem nostri quoque Chodkieuicij morte, ac Tur-
cici Imperatoris, Scythicique Chani aduentu, no-
bilitata extitit. Ast o Carole Chodkieuici, charissi-
me Litchuanie tuæ fili, si iis te virtutum insigni-
bus non honestasset Deus, ut & propter generis
claritatem, qua splendebas, & fortitudinem, qua
bella gesseras, & prudentiam, qua pacis negocia ne-
cebas, & iustitiam, quæ tibi Liouones tuos atque
Lithuanos obstrinxeras, tamen hoc vnico tuæ in
Patriam propensionis, testimonio, quod senio &
morbo confectus, longissimam à domo tua expedi-
tionem susceperis, & cum tam potenti Tyranno
longe inferioribus copijs decertare ausus fueris, &
quod proximum Fato cum te cerneris, in castris
& Patriæ defensione potiùs, quam in Patria & pa-
ce mori malueris; ea gloria floureres, quam nulla tē-
poris circumscriptio metietur, & ea virtutis fama
vigeres, quam ipsa immortalitas excipiet, seu poti-
us, quæ ipsam immortalitatem exhauriet. Et qui-
dem o

dem ô Poloni mei, stetit profectò adhuc nostra
Troia, si non cecidisset noster Priamus, id est; non
eneruatum esset tam citò robur exercitûs nostri, si
Carolus non mortuus fuisset nobis; non fuisset
passi tantam nuperrimam, vastationem Patriæ, si
eius consiliis administratum fuisset, vniuersum bel-
lum: nec tam facilè non satis tuta pace Otthoma-
nica irretiri potuissent Principes nostri, si ille non
abiisset tam cito à nobis. Sed cecidit nobis
Carolus heu sortem nostram peracerbam, ceci-
dit ille, per quem stetit Liunionibus iustitia, Lithua-
nis decor, Polonis nitor, cunctisq̃ septemtrio-
nalibus ornamentum: & quem cuncti ereptum, in-
gentibus lachrymis non minus quàm parentem de-
fleuimus animoq̃ue vt oues consternati pastorem
amissû plorauimus; & singuli nobiles sordidati su-
um ductorem & Palatinum, Liuones in squallore ia-
centes, suum Gubernatorem; plebeij lachrymis
perfusi suum patronum & tutorem, stipendiarij lu-
ctu squallentes suum Imperatorem omnes deni-
q̃ue ex omnibus Regni Poloniæ Dynastys ad hoc
sacrum bellum congregati, suum Dictatorem ex-
tinctum his, aut non dissimilibus vocibus prose-
quebâtur. Carole Princeps, quid nos deferis in me-
dio hostiû relictos? quid non de defendendis nobis
atq̃; Patria tua cogitas? quid non propulsa impu-
gnantem

gnantem Musulmanū? quid non occidis insultan-
tem Scytham? quid iaces? quid non cogitas quo
pacto nos de faucibus huius cruentæ belluæ ere-
ptos incolumes reducas ad proprios penates? en
Turca naturæ suæ immanitate efferatus, & insito
quodam Christiani nominis sed nescio an non ma-
gis inclyti Polonici seminis odio inflāmus, iam
insanire, furere, agros depopulari, templadepeculari
incipiet? En Scythia crudelis phalangibus suis emis-
sis, liberos nostros, parentes, fratres, sorores, in eter-
nā seruitutē rapiet & abducat? Sed quid hoc? etiā
Ius illa pestifera ex orco comitata, nimirum per-
duelles Suedi sui regni proferendi incredibili desi-
derio flagrant, & victorię per te toties ab illis re-
portatę vindictam acerrimē imminere incipientē
Iamq; & Moschi de tuo obitu certiores facti, fœdus
nuper sancitum ex templo dirumpent? & Cernie-
chouientes Scuerientesq; Russi per te impositū iu-
gum protinus excutient? Quid nosmetipsi; te pro-
culdubio moderatore amisso, nullo facinore forti
edito, inglorii domum abibimus, & tumultuabi-
mur; Egregiam verò laudem! Quid igitur non pro-
uides? quid non perpendis talia? cur non misere-
reris nostri, qui totam victorię spem, in te, positi De-
um, solo repositam habuimus, & per te inclaresce-
re si votis fortuna fauisset, volumus. Ehem quomo-
do nunc

do nunc frustrati sumus? Abite, inquit, abite, & Deo hæc disponenti committite, atque temporiam cedite, æternum illud Numen potens valensq; est meliora de vobis: me autem alia in Fata properantem, purum à corruptibilibus hisce atq; quietum, rogo abire sinite, atq; simul cum Serenissimo Rege vestro, Patria vniuersa, fratre meo charissimo dulcissima coniuge, cumq; omnibus amicis & consanguineis meis, æternum valete. Sed vale & tu quoq; Carole charissime, atq; vltimum à nobis salue, qui vt salue esset nobis, toties te presentissimis periculis immeristi: salue, qui salutis nostræ signum Crucem Domini à blasphemis & ignominia infidelium vindicaturus, tuæ salutis dispendium, in glorioso opere hoc feliciter subiisti. Vale qui valetudine propria postposita, ad extremum vsq; spiritum, nostram valetudinem & salutem procurasti, & iam iam in limine Fati positus, generale consilium de conseruando exercitu, propulsandisq; hostibus vltimum celebrasti, nec iam quiens amplius loqui, aut loquentes audire, hanc extremam vocem, testem tui in nos, & patriam, amoris, cum gemitu credidisti. *Consulte ipsi de vobis, quia ego iam amplius non possum.* Quasi dicere voluisses, antea, mea solius cura fuit de vobis, nunc iam singuli de vobismet curate, quia ego ad illa perennia & quieta iam è tur-

D

bis hi-

his hisce vestris & tumultibus euocatus. Vos amplius non visurus abeo. Atq; ita abiit, postridie eius diei quo concionem illam celebrauit, & humane felicitatis satur, ad cælestem illam atq; eternam **FELIX & BEATVS** euolauit. Nam quomodo eum felicem non dicam aut beatum, qui omnia ea quę apud nos summa & votiua sunt, supra vota etiam habere visus est, & iis quę ad beatitudinem assequendam spectant, tota vita religiosè actis, honoribus insuper, diuitiis, ac fama bona ita abundauit, vt si adhuc diutiùs nobiscum fuisset, credo felicior fore nequaquam iam exoptasset. Etsi Themistoclis sententiam examinabimus, qui felicitatem humanam in natalium splendore ponebat, virum inquiring ignobili stirpe ortum, non videri esse obligatum, vt virtute & fama clarus nitatur euadere; nam virtutes & res gestę Maiorum, stimuli sunt, quibus ad res magnas excitantur posterì. En Carolus noster primaria è nobilitate, imò summis è summatibus Lithuanix, vt supra diximus, & exteris etiam non suatibus modo notum est, Samogitię Dynastis prognatus, hac in parte felicissimus erat. Si Simonidem sequemur, qui fælicitatem in eo posuit, si quis gratia apud ciues valeat (quę enim potest esse iucunditas vitę sublatiis amicitiiis) Carolum nostrum felicissimum dicemus, quia præter ciues suos, qu

os, qui eum supra solitum & legem tantis honoribus in summum usque euexerant, ut maioribus in Polonia titulis, præter Regiam dignitatem, nemo usquam ornatus fuisse legatur, hoc est qui Polonicis simul & Magni Ducatus Lithuaniae exercitiis præsit. Qui quidem in tantum etiam externorum Principum gratia pollebat, ut virtutes illius admirati, Herculem eum Lithuanicum dixerint, inscripserintq; viri docti, viuentem adhuc in Acta Æternitatis. Si verò Euripidem audiemus, qui in coniuge venusta felicitatem esse putauit: Carolum nostrum & hinc quoq; felicem reperiemus, qui hinc nuptiis peractis, non amicitias modò cum familiis præstantioribus feliciter contraxerat, sed clientelas & diuitias etiam ingentes comparauerat. Primamq; coniugem Nicolai Melecij, exercituum Regni Poloniae Generalis filiam, letissimam feminam in matrimonium acceperat. Alteram Alexandri Palatini Wolchiniae, Ducis in Ostrog & Iaroslav, filiam hæredem, virginem prudentem & venustam, uxorem sibi duxerat: & quod ad felicitatem maximùm censeas, ad pietatem & virtutem vtramq; pariter instructam. Verissime enim, qui coniugem & virtute & forma præstantem nactus est, nihil habet amplius, quod in vita desideret. Quod si verò Sophoclis sententiam

amplectamur, qui in prole generosa felicitatem humanam ponebat, miseriam eius qui liberis caret omnes ærumnas longè superare affirmans. Summa enim felicitas est honore & opibus in hac vita affluere, & postquam satis illis usus sis, filios hæredes relinquere. Non ex sortem hac quoq; sorte Carolum nostrum fuisse videmus, qui binis è Melecia liberis susceptis, fructus matrimonij satis se percepisse putavit, Et cum Hieronymus gnatus factorum læuitia quindecennalis adhuc ereptus sibi esset, è secundis nuptiis heredem virtutum & possessionum relinquere maximopere exoptabat, superstitelice filia Illustris. Sapientia Aule Magni Ducatus Lithuaniæ Marschalco in matrimonium elocata; & quæ nunc tanto progenitore orbata, acerbissimè deflet, solam se Carolinam progeniem superesse. Sin verò Chrisippum audiemus, qui in extruendis splendidis ædificiis, haud firmo ductus argumento, humanam felicitatem ponebat; hominum affirmans nullum relinquentium sui monumentum, vitam mortemq; nihil à bestiarum vita aut morte differre, clara verò & splendida ædificia, nihil esse quam immortales animorum nobilium præcones, ut & Cæsarum Romanorum nonnemo, qui herba parietaria fuit appellatus, existimavit. Neq; tamen abs re sanè, quatenus enim nobis, denegatum diu
vivere

viuere, relinquamus aliquid, quo nos vixisse testemur. Quod itidem & Carolum nostrum animo suo impressisse, testantur tum sacra tum profana ædificia splendide à se extructa: illa, in monasteriis, Fratrum Min. de Obseruantia Cretinge. Fratrum Canonicorum Regularium Bychouię, Patrumq; Societatis Iesu in Samogitia: ista, in reformatione arcis Bychouiensis, in munitione arcis Lachouiciensis, in instauratione parietinarum Sklouiensium, Derpatensium, Myssę & aliarum. Sed videamus, quid etiam de felicitate sentiat ex antiquis illis Archita, is enim summam beatitudinem in eo ponebat, si quis prælio victor euaderet, quod eius sit victis leges dare, opima spoliis colligere, & quod animis generosis eternitatiscq; genium habentibus exoptatissimum, esse in oculis omnium, in oculis posteritatis. Pulchrè, & ad mentem fortium virorum, qui hoc ipsum intendunt, cum pericula subeunt grauissima, vt posteri, & qui nondum nati sunt, cum nascentur, benè de nobis loquantur. Prout loquemur & nos de Carolo nostro Chodkieuicio tot victorijs, tot triumphis ornato, loqueturq; subsequens ætas, atque ipsa æternitas, opera illius & labores mirata; maximè quod nulli licet perpetua aut diuturna fortuna fuerit, illi se tamen semper obsequentem, semperq; benignã

exhibuerit, & cum se aliam in alijs præbuerit illi, in
victoriis nihilominus obtinendis, constantissimam
ad tumulum vsque, vt iure non Syracusano modo
illi Regi Fortunæ ipsius alumno appellato, audeas
eum comparare, sed Carolis etiam ipsis, felicibus
illis & triumphatoribus inclytis Magno atq; Quin-
to appelatis, in tã exigua sorte, cum tam ingenti for-
tuna adnumerare, Quod si denique Antisthenē au-
diamus, qui in fama etiam post mortem superstite
felicitatem statuit. Magnam eam & perfectam vi-
dimus Carolo nostro dum viueret fuisse, & talem sa-
ne, vt etiam ad hostium aures deueniret, qui que-
rebant ex captiuis nostris clade superiore acquisi-
tis, num adhuc frueretur aura, & num vegetus ani-
mo esset. Longeq; adhuc maior illa erit, cum iã
ille ipse defuit esse, quia nunc primùm à morte cu-
iusque incipit esse, & cum æuo ipso augetur atque
crescit. Hincque illud est, quod parui viro cordato
æstimanda mors sit, si superstitem reliquerit virtutū
ac rerum gestarum famam, quod illa multas homi-
num ætates superet, & non in vno aliquo loco per-
maneant, sed totius orbis angulos adimpleat. Verū-
enimuerò, si quem inter fortunæ turbines esse in
hoc mundo felicem audemus dicere, solus ille no-
bis talis erit, qui probitate, constantia, ac pietate or-
natus fuerit : nam sola hæc tantum perfectū ho-
minem

minē faciunt, feceruntq; nostra ætate Carolū Chod-
kieuicium talem, virum ab aureo æuo, & prisca vir-
tute, ob quam singuli eum mirabamur tantum, co-
luimus & suspiciebamus: & cui, vti ostendimus o-
ratione, dum esset ô Poloni mei vobiscum, per o-
mnia FELICI & BEATO ad æternam illam Beati-
tudinē & Felicitatem, nil amplius deesse videtur,
nisi vt GRATI laborum ipsius, apprecemini
abeunti à vobis REQUIEM
SEMPITERNAM.

D I X I.



EPITAPHIVM.

D. O. M.

PIISQVE MANIBVS
MAGNANIMI HEROIS.

D. IO. CAROLI CHODKIEVICI, PALATINI VILNENSIS, COMITIS IN SZKLOW, MYSZA, & BYCHOW: DERPATENSIS, VELONEN. LYBOSANEN. &c. &c. CAPITANEI. SUPREMI MAGNI DVCATVS LITHWANIE, & AD BELLVM TVRCICVM, ETIAM REGNI POLONIE EXERCITVVM GENERALIS, NECNON TERRÆ LIVONIE GVBERNATORIS: VIRI PIETATE IN DEVM, AMORE IN PATRIAM, OBSEQVIO IN AMICOS, & LIBERALITATE IN OMNES HVMANITATEQ. EXIMII. PACE & BELLO CLARISSIMI. ET QVEM SOLVM OB CONSERVATAM AD SEVERIORIS DISCIPLINÆ CALCVLVM CASTRENSEM

FORMAM

FORMAM. DEVICTVM TOTIES HÆRE-
TICVM SVEDVM. OPPRESSVM SCHISMA-
TICVM MOSCHVM. TERRITVM IMPV-
RVN SCYTHAM. REPVLSVMQ. IMMANEM
TVRCAM, & OMNI DENIQUE METV
LIBERATAM PATRIAM, IVRE FELICIBVS
ILLIS CAROLIS, MAGNO ATQ. QVINTO
AD NVMERES. FELICIO RĒ VEL FO IPSO
QVOD IN CASTRIS & LABORIBVS PRO
REPVB. CHRISTIANA VITAM POSVE-
RIT. ID EST, RELIGIONI DONAVERIT
TV QVI LEGIS APPRECĀRE QVIETEM
DEFVNCTO, ATQ. SIMVL DISCE, QVO-
MODO VANVM SIT CONFIDERE IN PRIN-
CIPIBVS & FILIIS HOMINVM.



In Sarcophagum.

Bellator fortis, iacet hac sub mole CAROLVS
CHODKIEWICZ, Ductor Militiæ armipotens.
Quem Dacus extimuit crudus Mauorte, Getbesq;
Qui Moschos cecidit, vastaq; regna tulit.
Eripuit dextra firmatus ab hoste LIVONES
Sacrilego, turmas pressit Othomanicas.
Exanimus iacet heu Fatis sublatus iniquis!
Quem Turca baud poterat sternere, Parca necat.

M. MATTH. BVCZKOWSKI.

Aliud

Tela Sudermani qui sæpius irrita feci,
Moschos ferre iugum, vertere terga Scythas.
Qui non extimui Turcarum Cæsaris iram
Victus ab infesta morte repente cado.

M. Nicolai Zoravski.





